

Diagnoses novarum specierum ex insulis Philippinis

auctore Dr. O. F. von Moellendorff.

1. *Diplommatina (Sinica) palatalis* n. sp.

T. sinistrorsa, rimata, ventroso-conica, confertim costulato-striata, pallide flavescens. Anfr. 7 convexi, ultimus penultimo vix angustior, parum distortus, brevissime ascendens. Apertura vix obliqua, subcircularis, peristoma duplex, externum expansum, incrassatum, quasi multiplex, superne interruptum, internum brevissime porrectum, superne interruptum, internum brevissime porrectum, superne calloso-appressum. Lamella columellaris valida, spiraliter recedens, palatalis longa supra columellam in initio anfractus ultimi conspicua, parietalis profunda sat elevata.

Long. 2,5, diam. 1,2 mm.

Hab. ultra vicum Montalban in provincia Morong rarissima.

2. *Diplommatina Schadenbergi* n. sp.

T. dextrorsa, vix rimata, ovato-conica, costulis tenuissimis sat distantibus regulariter sculpta, rutilanti-cornea. Anfr. 7 convexi, superi spiram subregulariter conicam efficientes, penultimus magnus, ultimus angustior, paullum distortus, brevissime ascendens, initio constrictus, dein inflatus. Apertura parum obliqua, subcircularis, peristoma expansum, subduplex. Lamella columellaris parva, extus vix conspicua, intus producta.

Long. 2,5, diam. 1 mm.

Hab. in monte Tila provinciae Lepanto insulae Luzon leg. cl. Dr. A. Schadenberg.

3. *Lagochilus tigrinulus* n. sp.

T. sat aperte umbilicata, depresso turbinata, transversim striatula, carinulis 4 et lineis spiralibus cincta, costulis membranaceis deciduis in carinulis in pilos longiusculos elongatis sculpta, corneo-flavescens, strigis et flammis castaneis eleganter picta. Anfr. 5 convexi, ultimus antice brevissime descendens. Apertura sat obliqua, subcircularis, peristoma breviter expansum, sublabiatum, margine externo ad insertionem breviter recedente cum callo parietali crassiusculo angulum subacutum formante.

Diam. maj. 6, min. 5, alt. 4,5 mm.

Hab. in insula Siquijor.

4. *Leptopoma roseum* n. sp.

T. sat anguste umbilicata, subdepresse trochiformis, solidula, oblique striatula, carinulis 4—6, quarum una ad peripheriam fortior, et lineis spiralibus confertis cincta, opaca, rosea, albide quasi irrorata. Anfr. 5 convexi, ad suturam planulati, ultimus antice non descendens, basi planior, subglabratus. Apertura obliqua, subcircularis, peristoma duplex, externum latiuscule expansum, internum calloso-porrectum, marginibus callo fortiore junctis, columellari leviter sinuato cum basali angulum obtusum formante.

Diam. maj. 18,5, min 15, alt. 17 mm.

Hab. in montibus altioribus ad confinia provinciarum Manila, Bulacan et Morong.

5. *Helicina siquijorica* n. sp.

T. imperforata, depresso trochiformis, solidula, striis transversis et lineis spiralibus minutissime granulata, pallide flavescens vel rufescens. Anfr. 4 fere plani, ultimus carina alba crassa exserta cinctus, antice vix descen-

dens. Apertura diagonalis rotundato-triangularis, peristoma breviter expansum, incrassatum. columella brevissima cum margine basali angulum nodiformem formans, callum crassiusculum minute granulosum emittens.

Diam. maj. $4\frac{1}{2}$, alt. $3\frac{1}{4}$ mm.

Hab. in insula Siquijor.

6. *Lamprocystis goniogyra* n. sp.

T. peranguste et semiobtecte perforata, depresso semi-globosa, subtiliter striatula et lineis spiralibus tenuissimis decussata, tenuis, pellucida, valde nitens, pallide cornea. Anfr. 6 planiusculi sutura marginata discreti, ultimus supra peripheriam angulatus, subtus convexior, medio excavatus. Apertura sat obliqua, oblique lunaris, peristoma tenue, rectum, margine columellari superne valde reflexo, calloso.

Diam. maj. 7,75, alt. 5 mm.

Hab. in insula Siquijor.

Obs. Sp. quasi intermedia inter *L. succineam* Pfr. et *missellam* Fér., ab illa praecipue angulo peripherico et columella callosa distinguenda.

7. *Euplecta carinaria* n. sp.

T. semiobtecte perforata, discoidea, carinata, superne subtiliter striatula et lineis spiralibus decussata, juxta carinam liris tribus impressis cincta, basi subglabrata, valde nitens, pellucida, corneo-flavescens. Anfr. $4\frac{1}{2}$ plani, spiram vix elevatam efficientes, sutura marginata discreti, ultimus infra carinam obscurius coloratam valde excavatus, dein inflatus, tumidus. Apertura obliqua, securiformis, peristoma rectum, acutum, ad columellam superne reflexiusculum.

Diam. maj. 18,5, min. 15,5, alt. 8 mm.

Hab. in confiniis provinciarum Manila, Bulacan et Morong.

Obs. Sp. affinis *Helici excentricae* Pfr. ex insula Siquijor et cum illa propter carinam et inaequalem sculpturam supra et infra peripheriam generi Euplectae, nec Macrochlamydi adnumeranda videtur.

8. *Trochomorpha rufa* n. sp.

T. perspective umbilicata, valde depressa, acutissime carinata, transverse curvatim striatula, nitidula, corneo-rufa; spira parum elevata, apice plano. Anfr. $5\frac{1}{2}$ plani, ultimus basi convexior, circa umbilicum regulariter infundibuliformem angulatus, non descendens. Apertura diagonalis, securiformis, peristoma rectum acutum.

Diam. maj. 17, min. 15, alt. 6 mm.

Hab. in monte Tila provinciae Lepanto insulae Luzon leg. cl. Dr. A. Schadenberg.

9. *Trochomorpha granulosa* n. sp.

T. aperte umbilicata, convexo-depressa, acute carinata, striis transversis et lineis spiralibus subtilibus minute granulata, corneo-flava. Anfr. $5\frac{1}{2}$ convexiusculi, ultimus infra carinam paullum excavatus, dein convexus, circa umbilicum obtuse angulatus. Apertura obliqua, rotundato-rhomboidalis, peristoma rectum acutum.

Diam. maj. 14,5, min. 13,5, alt. 6 mm.

Hab. in insula Siquijor.

10. *Dorcasia Schadenbergi* n. sp.

T. sat aperte umbilicata, conoideo-depressa, costulis transversis ruditer sculpta, pallide viridescenti-cornea; spira subregulariter conoidea. Anfr. 5 subplani, ultimus carina crassiuscula exserta cinctus, basi valde convexus, circa umbilicum compressus, subgibbus. Apertura parum obliqua lunato-rotundata, peristoma paullum expansum, basi et ad columellam reflexiusculum.

Diam. maj. 20,5, min. 17, alt. 13 mm.

Hab. in montibus Tetas de Santa dictis provinciae Ilocos Sur leg. cl. Dr. A. Schadenberg.

11. *Helix scalatella* n. sp.

T. sat aperte umbilicata, depressa, tenuis, oblique striatula, corneo-fusca. Anfr. 4 superne plani, ad peripheriam obtuse angulati, subsoluti, spiram depresso scalari-formem efficientes, ultimus basi convexior, antice deflexus, breviter solutus. Apertura diagonalis, rotundato-rhomboidalis, dentibus 4 coarctata, uno longiore in pariete, altero brevi in margine externo, basali et columellari confluentibus.

Diam. 2,5, alt. 1,75 mm.

Hab. prope vicum Antipolo provinciae Manila.

Obs. Sp. affinis *H. mucronatae* et *hololomae* m. ex insula Cebu, sed forma scalari et dentibus valde discrepans.

12. *Hypselostoma luzonicum* n. sp.

T. rimata, turbinata, tenuis, leviter striatula, corneo-brunnea; anfr. 5½ turgidi, supremi infra medium angulati, spiram turrato-conicam formantes, ultimus a medio solutus, longe porrectus, ascendens, ad suturam et peripheriam, circa umbilicum et dorso cristatus, quasi tetragonus. Apertura aliquantulum sursum spectans, rotundato-tetragona, peristoma simplex, tenue, expansiusculum. Lamella parietalis valida, elata, longe intrans, columellaris minor, obliqua, recedens, dentibus 3 in fauce oppositis.

Diam. 2,5, alt. 2 mm.

Hab. Hanc primam generis singularis speciem philippinam ex montibus calcareis prope vicum Antipolo provinciae Manila attulit collector indigena.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Nachrichtsblatt der Deutschen Malakozoologischen Gesellschaft](#)

Jahr/Year: 1888

Band/Volume: [20](#)

Autor(en)/Author(s): Möllendorff Otto Franz von

Artikel/Article: [Diagnoses novarum specierum ex insulis Philippinis 141-145](#)